

乾嘉名儒年譜

陳祖武先生選
清人年譜系列

◎本社影印室 輯

◎北京圖書館出版社

陳祖武先生選
清人年譜系列

◎本社影印室 輯

◎北京圖書館出版社

乾嘉名儒年譜

⑫

小謨觴館附錄卷一

年譜

同里後學繆朝荃編輯

先生姓彭氏諱兆蓀字湘涵又字甘亭江蘇太倉直隸州鎮洋縣人

曾祖諱正遠字廷玉贈文林郎曾祖母汪氏贈孺人祖諱鳳韶字夔聲贈文林郎祖母許氏贈孺人

父諱禮字行之州庠廩膳生乾隆癸酉舉人甲戌中明通榜例選內閣中書丙戌成進士選授山西甯武縣知縣引疾歸復選潁州府教授授文林郎母滑氏封孺人生母蔡氏庶母洪氏

先生先府君事略云府君諱禮字行之又字蘭階
江蘇太倉州鎮洋縣人也先世出於五代吉州刺史
史玠公後由廬陵遷泰和月池又遷茶陵衡山至
六世祖肅清公始遷於歙曾祖元輝公諱學明祖
廷玉公諱正遠由歙遷太倉之新塘市幼育於舅
吳氏因以爲姓至府君通籍後復之考夔聲公諱
鳳韶兩代皆以府君貴贈文林郎祖妣汪氏妣許
氏皆贈孺人府君補州庠生旋食餼舉乾隆癸酉
鄉試甲戌中明通榜例選內閣中書丙戌成進士
選授山西甯武縣知縣引疾辭去復請以校官用

選潁州府教授娶滑孺人生母蔡氏庶母洪氏

乾隆三十四年己丑先生一歲

先生生於新塘市月日無攷

同里盛子履學博

大士

彭湘涵誄云世居邑之新

塘市先生有除夕賦得四十明朝過詩又展墓詩
云蹉跎四十年俱嘉慶戊辰作懺摩錄自序云我
生四十四年矣爲嘉慶壬申作以此推之當生是
年無疑同里畢靜山孝廉

憲曾

於嘉慶戊寅有懺

摩居士自吳門歸養疴杜門疊韻詩注云居士年
五十矣見揖山樓詩集又汪耐山同守

彥國

亦於

嘉慶戊寅有和吳巢松太史送甘亭居鳳巢山詩
注云余與甘亭年皆五十見心太平居詩集據此
亦可推也

三十五年庚寅先生二歲

三十六年辛卯先生三歲

女弟湘蘅生亦生母蔡氏出

先生祭亡妹文云同母惟汝又云汝七齡時隨父
官舍按蘭階公赴山西甯武任爲乾隆四十二年
時先生年九歲見先生遷居詩序以此推之故知

是年生也

先生先府君事略云女二一適同邑徐氏一適吳門沈氏按適徐者爲女兄先

生哭婦弟蔣大調陽詩云愁絕女兄年半百鏡毫
迴溯更心酸注云婦弟爲予姊女婿姊少寡無子
僅一女茲又寡矣又示四甥式如詩云汝姨老無
子聞之喜兼快集中僅兩見也姊婿名字亦無考
適沈者卽女弟
湘衡詳見後

三十七年壬辰先生四歲

入塾讀四子書

先生自題懺摩錄詩云入塾始四齡陳書讀孔孟
三十八年癸巳先生五歲

讀經於是年始

先生懺摩錄云吾鄉陸道威先生思辨錄中有分
年讀書法自五歲至十五歲十年誦讀以後十年

講貫十年涉獵至三十五而學成真不磨之論其
論讀經則後學不無小異竊謂諸經中如毛詩三
禮三傳則必當以注疏爲主尙書則孔傳雖僞而
疏中所引馬鄭諸說有必當據依者易則幼時頗
愛王弼後乃專主程朱而兼參以李氏集解趙岐
孟子注何晏論語注亦多可采音讀以釋文爲主
通志堂經解隨時參看

三十九年甲午先生六歲

四十年乙未先生七歲

四十一年丙申先生八歲

四十二年丁酉先生九歲

隨父蘭階公赴山西甯武縣任

先生遷居詩序云乾隆四十二年予甫九歲隨先
君子赴甯武同里王硯雲學博

寶仁

彭甘亭先生

傳云父禮以乾隆三十一年進士令山西甯武治
行詳先生所撰事略先生年九歲從之

四十三年戊戌先生十歲

在甯武

習舉業於是年始

先生懺摩錄云幼時習舉業四書易用朱注書用

蔡傳禮用陳澍春秋用胡氏閒取注疏及諸家言
錄百一於書上下方隨手批注中多鹵莽漏略朱
墨錯雜今猶具在本無足道惟願後人見之知我
幼時頗能用功而學識未到存之以爲塾中課本
而已

四十四年己亥先生十一歲

在甯武

讀史讀通鑑於是年始

先生懺摩錄云史漢甚難讀少時曾以何義門校
本一一手寫又云三國志晉書南北朝諸史新唐

書遼金二史皆首尾閱訖至宋元史竟未徧閱隨
手緝擷而已又云通鑑讀過數次朱子綱目胡三
省注亦屢經尋繹少時俱有手節本字劣紙渝十
不存一按先生所讀書見於懺摩錄者甚多如云
周秦漢魏諸子書全在汰擇有極精者有
極謬者能知去取則爲益而不爲累矣又云文選
只要讀李善注五臣注竟不必看又云陶集李杜
集不可不全讀昌黎香山義山東坡放翁遺山諸
集亦須全看無從編年均列於此懺摩錄又云少
時大病在看雜書多如津逮祕書唐宋叢書之類
不知費卻許多時日益可見先生少時於書已無
所不讀矣

四十五年庚子先生十二歲

在甯武

四十六年辛丑先生十三歲

在甯武

編定小謨觴館詩集始於是年自辛丑迄丁未爲樓
煩集一卷

詩三十三首

四十七年壬寅先生十四歲

在甯武

著經歧臆案讀史偶鈔潘瀾筆記自是年始

先生懺摩錄云輕易著述最是學人大病我少壯
以來除文賦詩詞外尙有經歧臆說潘瀾筆記諸

種不過瑣屑攷據無關宏旨然積累三十年刪而又刪僅得此區區其閒尙有前人已言及立論未安處不敢自信徒疲心力而已按懺摩錄作於嘉慶壬申以積累三十年計之當始於是年也

詩五首

四十八年癸卯先生十五歲

由甯武入都援例爲國子生應順天鄉試畢仍回甯武

同里錢伯瑜中丞

寶琛

壬癸志稿彭兆蓀列傳云

年十五入太學婁縣姚春木上舍

椿

彭甘亭墓誌

銘云少隨父宦山西神隲有聲年十五應順天鄉
試諸公卿爭欲招致又先生於嘉慶丁卯歲有江
甯寓館與樂元淑書云兩應京兆王傳云以國子
生兩應京兆蓋指是年及丙午也

詩六首

四十九年甲辰先生十六歲

在甯武

詩五首

五十年乙巳先生十七歲

在甯武

大庾戴文端公

開亨

督學山西欲以先生名應五臺

山 召試後不果行

先生感舊詩大學士戴文端公云昔公官詞垣秉
節馳原隰山川汾晉雄士氣軒轅接刻玉 鑾輿
巡扶輪巾褐雜將行陳詩典敬助衢歌洽我父尹
邊隅我少佩觿韞虛名辱采聽俯令進所業神磁
曲鍼收巨海細流納謂文如翻水賦頌亦迅捷渾
忘吹竽濫云可充才乏注云乾隆乙巳 駕幸五
臺山公時督學山右將以賤名應 召試後以人
少不果舉行

詩四首

編定小謨觴館文集始於是年

五臺山賦 雁門關賦 明故特進光祿大夫柱

國太子太保鎮守山西提督雁門等關總兵官左

都督周忠武公夫人劉氏廟碑

凡有年可考者列題於後下倣此

五十一年丙午先生十八歲

夏五月由甯武入都應順天鄉試蒙自尹楚珍閣學

壯圖

及同里陳玉臺給諫

昌圖

王秋樵吏部

瑣

毛宿

亭舍人

上食

周小泉治中

洵

皆爲稱許試畢仍回甯

武

先生是年陽方口詩云征車五月馬蹄催入都後
有尹楚珍閣學席上作及陳玉臺給諫王秋樵吏
部毛宿亭舍人周小泉治中集飲寓齋詩按先生
感舊詩內閣學士尹公云卻溯官朝時我方離外
傳忝爲年家子席帽春明赴行卷溫顏褒清樽盤
飣具心期驥騰超屬望鴻軒翥又蘭階公次陳玉
臺侍御京邸見贈詩云漫勞雛鳳新章好注云來
詩有清聲雛鳳蓋指蓀兒也見婁水琴人集畢靜
山孝廉輓彭甘亭徵士詩云神武趨庭日童烏謁
帝京又云小友呼尊宿前賢畏後生注云謂王